



BIBLIOTHECA
UNIV. JAGELL.
CRACOVENSIS

53370

la Comp.

I

Mag. St. Dr.

P

Stalicki Valentini: Quæstio physica de vi
ma in communis

Biblioteka Jagiellońska



stdr0004464



D. O. M.
QVÆSTIO
PHYSICA

DE ANIMA IN COMMUNI.

Publice ad disputandum in Alma
Academia Crac: in Lectorio

D.D. THEOLOGORVM.

A

M. VALENTINO STALICKI,
PROPOSITA.

Permissu M. D. RECTORIS.

Anno Domini. M. Dc. Lxi.



CRACOVIA.

In Officina Viduæ LYCÆ KVPISZ, S. R. M. Typ.

In Stemma inclytæ Academiae
CRACOVIE NSIS.



Munijt Herculeam quondam claua Vnica dextram
Defendunt Lechicam, Sceptra gemella Scholam,
Heu fuge dira licet spires incendia liuor
Sustulit igniuomas, si Vnica claua feras
Certius an non tu speres malè sane ruinam
Bina caput ferient dum furiale tibi.

Ioannes Chrapowicki,
Stud. Eloquentim.

Lechia tolle caput speres iactata serenum
A binis Sceptris te bona multa manent
Quæ dum Crux arcto coniungit splendida nexu
Omne id æternæ felicitatis habe.

Christophorus Chrapowicki,
Stud. Eloquentim.



CLARISSIMIS, ADMODVM REVERENDIS

E T

EXCELLENTISSIMIS DOMINIS,

Inclytæ ac peraugustæ

DOMVS MAIORIS

PATRIBVS, DOCTORIBVS, PROFESSORIBVS,

NEC NON

Præceptoribus & Promotoribus Fauentissimis

S. & P.



NON artificiosum Dadali opus, aut admirandam Polycleti structuram, sed ingeniosam Stagyræ omnium ore decantatissimi telam, quàm mirifico suo & facundo artis Magisterio in Variis Voluminibus cœu in officinis contexit, nimirum lucubrationem hanc Vobis Clarissima Orbis Academici lumina dico a'q. confesco. Cui enim conuenientius & aptius dedicarem præter Vos, habui neminem. Bene siquidem Anima cum Anima conuerit. Quidni ego Vos Animam Regni appellem! ut pote quorum Spiritu totum Ecclesia & Regni corpus animatur. Quot namq. sunt Europæi orbis membra animata, t t se Spiritu Vestro viuere, Vita nimirum literarum viuificari & cognoscant est necesse. Nimam iam pridem egisset Ecclesia Salus & Regni integritas vel magna ex parte Viribus exhausta fuisset, non aliter quàm

ille fabulosus & famescens Menennij Agrippa ventriculus, nisi habuisset à quo alimentum, spiritum & vigorem mentis hausisset. Neg, hic spiritus angusta aliqua loci parte coarctatur, sed otij impatiens per vniuersum regni corpus latissime ita diffunditur vt nullus tam remotus locus, nulla regio tam dissita, nulla Ciuitas tam infelix inueniatur qua non ab illius vigore vberime fecundetur & fecundata gloriosissimos non paruriat fetus. Si cuius aures peregrinantur ubiq, circumspiciat & mentis atq, oculorum acie perlustret tyaras Pontificum, ornamenta Pralatorum, exedras Doctorem, conuentus Ordinum, palatia Regum aulas Principum, rostra Iudicum, subsellia Senatorum, castra Militum, curias Ciuium omnes & singuli vnanimi consensu de hoc Spiritu se vigorem mentis ad usum publicum & communem utilitatem hausisse, palam & libere fatentur, recognoscunt. Eximi de gratorum numero vt potè memor institutionis quã priuatim, quã publice instillata & animata doctrina nec possum nec debeo. Atq, ideo illud inter cetera in votis habeo vt quã diutissime hac vita literarum viuat, viuet autem in sera posteritate in multas annorum myriades, & quamdiu splendidissimus mundi Ocellus inferiores Orbis partes illuminare non desinet, tamdiu suo influxu capaces magnarum virtutum animos ad inuidiam ceterorum impragnare seu imber terram cum propagatione diuina laudis & accessione omni felicitatis pro virili contendet. Atq, dum ego talia ad tremenda altaria Vota reddo, Vos P. P. amplissimi, & libertatis Academica vindices accerrimi hanc promptissimam animi mei submissionem & tesseram, hanc de anima non bene animata compagem, Vestris beneuolentia & fauoris fomenti animare & fouere non dedignemini maiorem in modum oro atq, obsecro.

Clarissimarum & Adm R. R. P. Vestrarum

exorator

addictissimus

M. VALENTINVS STALICKL

QVÆSTIO PHYSICA.

DE ANIMA IN COMMUNI.

V. Anima constituens corpus animatum per informationem, rectè diuidatur in Vegetatiuam, Sensitiuam, & Rationalem; sitq; realiter distincta à suis potentijs, & vna in quolibet viuento: nec ne?

CONCLUSIO I.

Anima constituit corpus animatum per informationem.

COROLLARIA.

I. Anima essentialiter est actus primus corporis *Physici*, organici, potentia vitam habentis.

II. Hec definitio conuenit omni Anima etiam *Rationali* & intellectiua est.

III. Descriptiue vero, Anima est id quo viuimus, mouemur, sentimus & intelligimus primo.

IV. Anima non est temperamentum Qualitatum.

V. Neq^{ue} est actus assisistens, sed vere informans secundum quemcunq^{ue} gradum sibi identificatum.

CONCLUSIO II.

Anima recte diuiditur in Vegetatiuam, Sensitiua & intellectiuam.

COROLLARIA.

I. Ista diuisio est Generis in suas Species subalternas.

II. Gradus tamen viuentium sunt quatuor Vegetatiuum, Sensitiuum, Locomotiuum & Intellectiuum.

III. Appetitiuum non constituit gradum distinctum animatorum.

IV. Anima Rationalis secundum rationes suas quasi Genericas continet formaliter Vegetatiuam & Sensitiuam.

V. Anima per hoc differt à formis in animatorum quod sit principium operandi eleuatum supra materiam.

CONCLUSIO III.

Anima distinguitur realiter à suis potentijs.

COROL.

COROLLARIA.

I. *Potentie Animæ sunt quinque Vegetatiua, Sensitiua, Appetitiua, Locomotiuæ, & Intellectiua.*

II. *Ordine naturæ potentie Sensitiuæ sunt priores Vegetatiuæ, & Sensitiuæ intellectiui non autem ordine dignitatis.*

III. *Potentie Animæ suam unitatem & distinctionem specificam desumunt ab actibus & obiectis adequatis formaliter sumptis.*

IV. *Ab obiectis vero formalibus specificantur solum extrinsece.*

V. *Potentie Animæ non Organicæ Subiectantur in anima rationali, iam vero Organicæ in toto composito ex corpore & anima constituto.*

CONCLUSIO IV.

In quolibet Viuente Vna tantum Anima reperitur.

COROLLARIA.


I. *Etiam in homine Vna solum est Anima scilicet Rationalis.*

II. *Probabile est hominem prius viuere Vita Vegetatiua, postea Sensitiua & postmodum rationali.*

III. *Anima informat omnes partes viuentis in corpore.*

IV. In corpore uiuentiu datur aliquod principale mem-
brum quod est primaria sedes Anima.

V. Anima cum corpore constituit unum ens per se.



Sub Felicibus Auspicijs,

Perillustri, Magnifici & Admodum Reuerendi Dñi,

D. ADAMI ROSCZEWIC,
I.V. Doctoris & Professoris, Cano.

nici Ecclesiæ Cathedralis Crac: nec non
Ecclesiæ Collegiatæ Omnium SS. Ar-
chidiaconi, extra muros ad S. Nicolaum
Præpositi, ac interea Studij Almæ
Academiæ Cracouiensis

G E N E R A L I S

ac Vigilantissimi

R E C T O R I S.



xxiv. 517.

